

Grad' ze lääd - Adam Marcel

1998

De Babbe isch vum Dach gesprung

Mit 5 sin o wohne gong noh Willerwald
Hasch noch feschedron geglaabd die Mamma kummt bald
'Hasch gewaad de Oba hat geschäft im Wald
Elähn in de Wohnung es war schwinnekalt
Awer du warsch courageux hasch nie gehielt
Stunnelong hasch de mem Mecano gespielt
Nur in de Maternelle hasch nit metgesung
Hasch's gesinn din Babe isch vom Dach gesprung
Unn din Schweschder Bernadett
Kuschelt sich on dich im Bett Grad'se'lääd

Met 6 sin 'o umgezoh noh Saargemin
In de Dachwohnung von de Cousine Jeanine
Die war lieb hat do extra Waffle gebackd
Met Hunisch unn Konfitür die hon geschmackd
'S isch do met de Henn iwer de Kopp gefahr
Hat dich warm gedrickd gepischbelt alles klar
Dich zum lache se krin isch ihr nie gelung
Hasch's gesinn din Babe isch vom Dach gesprung
Unn din Schweschder Bernadett
Klebt feschedron do wie e Klett Grad'se'lääd

Donn hon 'o e gudd Johr in Fronkrech gelebt
Em Oba hat es Pech on de Hudd geklebt
Er hat de Dumme on de Holzsäh verlor
Neh neh er war nit besoff das isch nit wor
In de Schuhl hat kum enner met do geredd
Fir die Buwe von de Stadt warsch du se bled
Hasch meisched e blaues Au dehemm metgebrung
Hasch's gesinn din Babe isch vom Dach gesprung
Unn din Schweschder Bernadett
Hucktt nur do om Finschderbrett Grad'se'lääd

Donn hon se dich unnergritt ins Internat
Im e viereckisch Huss still wie e Dodlaad
Die Prieschdore hon de wisse Schinge gess
Ihr de fulle Surkrutt noh de Sunndasmess
Zum Bede Hon se disch um halb 6 gewekt
Gelehrt dass in jedi Frau de Deiwel steckt
Nur on dinni Seel do sin se nie dronkumm

Hasch's gesinn din Babe isch vom Dach gesprung
Unn din Schweschder Bernadett
Hat sin erschdes Wort geredd Grad'se'lääd

Heit lebsch de unner uns nur mon siehd disch nit
Mon treffd sisch im Corridor von Zitt zu Zitt
Du bisch kenner von dem e Frau länger trämt
Du bisch enner der sisch fir sin Träme schämt
Bisch Schrinner wor 's war de Oba a gewenn
Hasch sogar noch alle Finger on de Hänn
Somschdas suffsch du do de Kindhett us de Lung
Hasch's gesinn din Babe isch vom Dach gesprung
Unn din Schweschder Bernadett
Schluck e staargi Schlooftablett Grad'se'lääd

Isch glabb du war niemols kien unn niemols jung
Hasch's gesinn din Babe isch vom Dach gesprung
Unn din Schweschder Bernadett
Schlooft wieder im Kinnerbett Grad'se'lääd

Commentaires

Novembre 1997, The Game
Kontrabass Jörg Jenne